

新聞

戈公振

戈公振，江蘇東台人。少時曾在東台縣立第一高等小學卒業。及長入上海神州法政大學法律科及倫敦大學新聞科聽講。民國元年入上海有正書局任編輯。二年入上海時報館任本埠新聞編輯，旋改任地方新聞編輯及總編輯。十六年應國際聯盟之邀請，出席第一次國際報界專家會議。因便考察歐美日本各國政治社會經濟及報業狀況，並參與德國科恩第一次報紙博覽會。十九年回國後任上海申報總管理處設計部事及申報圖書週刊編輯，與申報攝影新聞社主任。

戈氏爲新聞界聞人，曾任上海大夏，國民，復旦諸大學教授，南京中央大學新聞學系主任。民國二十一年春，國聯調查團來華，氏亦隨從該團赴滿州調查。

十三屆國聯大會，氏任中國代表團專門委員。著作宏富，有中國報學史，新聞學撮要，及世界報業考察記等書出版。民國二十一年，年四十一歲。

成舍我

成平字舍我，湖南湘鄉人，父璧字心白，生子三人，而舍我年最幼。十歲時隨父至安徽省垣，入旅皖第四公學讀書。不一歲自初小高小，拔升至中學。顧家貧，不能具校服，有操演或集會，均攬不得與。又積欠學金過鉅，不得與試，卒致輟學。民國元年，舍我年十四，時南北和議未定，國人皆主戰，黨人韓衍，在皖組織青年軍，舍我慷慨入伍。及統一告成，韓遇刺，青年軍解散，成漂泊無所依。癸丑之役，坐黨籍，爲皖督倪嗣冲購捕，間關走潯陽，任報社校對編輯約一年。四年赴上海，任民國日報及他報編輯者又二年。

民國七年至北京，主北京益世報編撰，有暇則就讀於北京大學，十年卒業。十三年出所集金二百，創北京世界晚報，不期年，大起。十四年，更增創世界日報。十五年張宗昌於捕殺林白水之次夕，復派兵捕成，賴孫寶琦之救，得免。

出獄後，乃南走滬上。十六年與同志創辦民生報於南京。十八年任北平大學教育行政院秘書長。十九年赴歐美考察報業，更就讀於英京倫敦大學。二十年春，歷美國，日本歸國，遂爲北平新聞界之巨擘。民國二十一年，年三十四歲。

朱淇

朱淇字季誠，一字叢生，廣東南海人，爲朱次琦之猶子。年二十，入邑庠，即業八股業，專肆力於經史，受業於陳蘭甫之門，爲學海堂專課生，專攻三禮。及壯，與康南海孫中山結莫逆交。康爲九江朱次琦高足，朱日與砌礎觀摩，思想日新。光緒乙未，孫總理第一次舉義於羊城，朱君與陸皓東先烈參學劃，粗與中會，訂定會章，製定黨旗。後因楊衢雲先烈在香港募兵洩機，王質甫在雙門底聖教書樓運炸藥被抄，事遂敗，朱預知事洩，奔告雙門底青雲巷樓閣，飭厨役阿雲，分頭通訊各同志，孫總理得以脫險，陸皓東因返取縋紗長衫，與朱邱程同遇害。而朱因此受嫌疑，避滬半年，始返粵。遂改機方針，取緩進主意，經營報館，以開發民智。翌年，在廣州市創辦嶺學旬報，嶺海日報。戊戌，嶺學旬報停版，而嶺海日報又因同人發生意見，另由胡漢民陳廉伯兩君接辦。

，朱遂命其姪通儒，辦東華報於廣州，命其徒張學環，辦通報於香港，居中爲之主持焉。時孫總理在海外，命陳少白回香港辦中國日報，約朱主筆政，惟朱方有志北方，束裝待發，薦門人楊少歐代之，朱遂往青島辦膠州報。庚子拳亂，清太后西狩。是年，孫總理第二次起革命軍於廣東惠州三多視，朱乃隻身赴西安視察一切。及革命失敗，朱復至北京。見北方民智閉塞，遂集資創北京日報於琉璃廠，恐姓名爲滿清所忌，乃改字季誠。當朱在青島辦膠州報時，蔡元培易季服，因上海蘇報案，避地至青島，朱爲運動德督，乘德國郵船赴德。辛亥，武昌起義，朱又赴蕪州，遊說張紹曾吳祿貞兩師發難，迫清廷頒布十九條。及返京，突聞肅王良弼等密派刺客往殺張吳，朱即派黃英瑞，持秘函往告張，得函而倖免，吳未及知而被刺。民國四年，袁氏稱帝，遣其心腹向朱關說，願出二十萬金，收買北京日報。並請朱赴上海，另立一報，爲之鼓吹。朱婉辭拒絕，且相機在報上發表反對帝制之評論。迨袁氏失敗，朱鑒於國事日非，

又因年已垂老，乃閉門修道，研究儒釋道三教經典，報事遂鮮過問。二十年秋，忽患肝癌重症，於十一月十五日已時逝於北平。朱致身新聞事業凡三十餘年，爲我國新聞界中有數之人才。有女名松子，留學日本十六年，專治醫科，嫁徐瀛從，亦爲我國女界之閒人云。

邵飄萍 (1896-)

邵振青，以字行，爲文別署飄萍，浙江人也。民國四年，思遠難東京，韞甲寅月刊，好立語言談政事，藉以結納士友，振青以時來會，溫溫一美好少年，未見其多所發揮也。後二年，思至京師，復甲寅爲日刊。振青漸審性行與新聞記者相近，續續以小文求揭報端。溝通簡要，雅善譏彈，信良器也。一日，與談新聞策要，膾合思意。適思以事返湘，經理陸鴻逵亦相偕去，振青便宜爲叢日刊。於是者半年，思至自湘，見振青所事，不盡與其言相驗，則漸謝去。而思亦南走粵。至數年不相聞。後知振青求發揚於輿論者甚力。著新聞學一書，厚自褒歎。韞所謂京報者於北京，頗以言揭抑人，而言皆有值。恩怨井井，銖兩都稱，振青雖爲時忌，而亦爲人畏以此。久之境益亨，志益肆，服飾靡侈，驚其輩流。振青喜吸談己菰，煙爲美州上材，名敬詩造，氏

掩標邵振青製字樣，以餉客，客遂巡受之，主人且吸且談，豪情絕世，他修習類此。則自以爲筆之所之，無不如意，意之所欲，無不如筆。曾受王甲賸厚，爲誕孫乙，同時復引乙而耳語焉曰，公昧吾如額，吾請還誕甲爲公壽，乙遂謝，則大恨。一日，博於陳丙宅中，負六千元，立函致乙，請撥國務院秘書費如干，使償博進，飛文顯書，曾不少諱。得覆，院中無此類名目，愧無以應，實亦乙方爲判度支者所扼。削去此宗，相爭尙未得當也，則恨愈甚。由是乙不爲京報所道，他報之吠聲者競起。致乙闖大境，狼狽謝去。國民軍勃興，振青承迎，甚得竅要。更交歡吳丁李戊之徒，出爲北京大學司其喉舌。新文學家至撰副刊十種，附京報以傳。某大使者，以氣力鞭笞青年男女學生，使盡棄所業，供其發縱，一二年間，上京學海，頓如沸羹，父兄無以肅其教，官府無以勸其職，吾國文教精神喪亡，而振青者，實司機械啟閉。多見政士文人，良家子女，彙彙同振青之聲音顏色以行，所稱獲宣傳費至夥者也。愚適長邦教，有所與

作，振青輒大梗議。愚因友生劉煌詢之。振青慨然曰：行嚴，吾新聞業之所自出也，不敢背，惟吾與人約，不敢背尤甚。行嚴如將創吾，其惟力是視，吾不屑意。若以情論，則至多吾不自若罵之耳，他非所知。煌走報愚，深致惋歎，愚笑曰：此飄萍不愚欺處也，而又何慙焉。無何，國民軍敗去，振青自知不免，匿居六國飯店十有餘日。有張己者，好大言，所振運多。自以與奉軍厚，爲振青開說，奉軍將領伴諾之，而陰設罪焉。十五年四月二十四日，振青昂然以車由東交民巷，趨城外魏染胡同，未及門而邏者掩至，夜間即所謂司令部訊焉。鞠者出某國閣員全體署名之委狀爲證，斷爲賣國，又出某使署之送款單質焉，詞連受賄。振青以世界大同，人類同情爲辯，申說侃侃無甚避就，卒判死罪。振青猶笑報之。詎質，轉送警廳，振青宿於是者兩夜。同業於時奔走營救，舉無效。代表與張庚問答諸詞，詳揭各報，審之似殺機宿構焉者。二十六日晨四時。仇家以囚車，移振青天橋。喝之跪，不肯，則羣以槍轟擊。而跳過文壇談手。

可熱，主持一時風會之邵振青者與世辭矣。是日午後，振青妻妾往哭其屍，據稱已葬叢塚中，塚俱列號，最新葬爲五百七十四，掘焉。赫然他體，未是死者。而七十三，而七十二，俱同前誤。至七十一號，始得其所天者殮焉。平心而論，振青接物持議未得其正，固盡人能言，而亦惡環境有以成之，厥罪未應何人獨尸。且防口者專制之愚策，殺士者國家之大恥，振青一獄之有點民國政史，夫豈待言。而書曰，惟口出好興戎，知言者由是憬然於非知命無以爲君子之道焉，則振青之所全大，終非徒死者所得同年而語也已。（孤桐書邵振青）

林白水 (1896-1925)

林萬里字白水，一字少泉，福建閩侯人。初留學日本法政大學，與張繼、章炳麟等，奔走革命運動，夙爲福建知名之士。清末與蔡元培共發起上海警鐘報，及上海白話報。民國成立後，當選爲衆議院議員，袁世凱復聘爲總統府秘書。國會解散後，被任爲軍務幫辦。四年十月，轉參政院參政，歷任直隸都督秘書長。民國五年八月，國會復活，辭而未出，於北京創立公言日報。七年三月參加北京新聞記者之赴日視察團赴日本。繼創刊新社會報於北京，爲徐世昌所封。後又改創社會日報，而林之社論，文章議論，傳誦一時，爲北京言論界之重鎮。遇經營困難時，則賣文鬻字，以資維持。十五年國民軍退守南口，奉聯軍入京，林以罵潘復爲張宗昌之臂膀，觸怒當道。於八月五日夜，突被北京憲兵司令王琦所逮捕。翌朝不加審問，即奉張宗昌之命槍斃之，其罪狀則一通敵有

據」而已。（參看新中國人物誌）

西太后七十萬壽，適在庚子拳亂之後，創鉅痛深，毫不顧恤，而踵事增華，鋪張揚厲，以娛一己數日之歡。時林白水與劉星叔秉筆政於上海之蘇報，曾合撰一聯譏之。聯云：

「今日幸南海，明日幸頤和，何日再幸圓明園，四百兆骨髓全枯，只剩一人何處有？」
「五十失伊犁，六十失琉球，七十又失東三省，五萬里版圖彌蹙，每逢萬壽必疆無。一此聯以「一人有慶」萬壽無疆」顛到嵌入，極爲工整有趣。時滬道言於租界當局，思有以懲之，劉林踴躍然出瀝，其事始息。然林之文名，自是大噪。

徐寶璜 (1894—1930)

徐寶璜，字伯軒，江西九江人，美國留學生。徐氏一生貢獻，即在提倡新聞學。民國初年，新聞在中國，不成其爲一種學科，新聞記者，人皆以無聊文人視之。徐之游學新大陸也，於正課之外，復研究新聞，爲留學生治報學者之第一人。民國七年，北京大學校長蔡元培，聘爲文科教授，時年纔二十五歲。更創新聞學研究會於校內，以改良中國新聞事業爲己任。北大課程上，更添報學一門，爲政治系四年級選修科之一，由徐擔任教授，學生選是科者，達七十人。

民國十二年，邵飄萍創新聞學系於北京平民大學，徐氏與焉。舉凡延聘教師，制定課程，審定講義，半出徐氏之手。繼爲該校新聞系主任者凡二年。此後燕京大學，民國大學，上海南方大學相繼設立新聞系，皆受徐氏倡導之影響。

民國十九年六月一日，病歿於北平，年三十七歲。歿之前四日，仍在北大授課也。著作有新聞學一冊，於民國三四年間出版，爲中國新聞學之首部著作。書久已絕版，於冷攤中可偶得之。

陳蛻齋 (1860—1913)

先生姓陳氏，諱範，原名靠範，字叔柔，或作叔晦，又字億雲，號夢坡，別稱夢通，一號瑤天，晚乃自更名曰蛻，號蛻齋，亦稱蛻僧，又別署退僧蛻存云。先生籍湖南衡山，嗣遷江蘇陽湖，故又爲陽湖人。先生生而負異稟，弱冠通詩古文詞，尤究心經世之學，慨然以攬轡澄清自任。既累試不第，遂納粟爲令，謁選都中，復就試，得己丑乙科。仍棄去，入江西爲鉛山縣知縣。久之，自投劾歸，創蘇報於上海，昌言革命。會山陰蔡元培，陽湖吳敬恒，巴縣鄒容，餘姚章炳麟諸子，方建中國教育會，日夜圖光復，得先生振宗風，則大喜，時時爲文張之。當是時，蘇報名震天下，虜廷驚駭，視之若一敵國，遂命大吏案治。於是元培敬恒出亡，容炳麟就逮，先生亦航海去日本。顧家室已毀，貧困幾無以自給，繼漫遊香港，無所遇而歸。復來上海，爲偵騎所陷，繫獄年餘。既得

脫，走依陽湖汪文溥於湖南醴陵。文溥者先生女弟德輝壻，始共建蘇報，至是乃爲醴陵縣令，喜結納時士。丙午，萍醴之難，保全善類甚衆，顧卒以是失職去，留長沙觀變。先生則往來醴陵長沙間，從醴人史良，傳專，劉澤湘輩遊，皆趣澤湘諸人爲文生祭之。一日渡淶江，訪紅拂墓，潛然謂同遊者曰：吾死葬此矣。醴人甯調元以革命錮長沙獄三年，先生時時攜酒就獄中賦詩通飲，出而與傳專言調元，未嘗不流涕也。先生雖窮居憔悴中，然心實未能忘天下事，識新軍協統定興劉玉堂賢，謂此勇士，緩急可用，使與文溥圖湘。會文溥以事就逮，先生與史良輾轉營救。已而光復軍起，先生欲使文溥說湘都督焦大鵬共玉堂率兵援鄂，議未定而大鵬被難，不果。鄂事急，玉堂以步兵馳赴，一日夜，戰死，漢陽遂陷。先生聞耗，爲詩文哭之慟，謂文溥曰：「令早用吾策，君與劉偕，先十日赴援，劉或不死，漢陽不失也。」論者以爲知言。蓋先生之抱負匡濟有如此。既與文溥共參湘桂援鄂聯軍事，以司令沈秉堃無遠志，並去之。